

Beste garai batzuetan egindako aurreikuspenak, ez sendotzeko arriskua zuen proiektua zela ziotenean, nahiz eta zailtasunak egon, nahiz eta guk ez daukagun komunikabiderik ezta sinpatiarik daudenetan, argi utzi du badagoea espazio abertzale eta sozial-demokratikoa. Inkestek, gehiengutan gurekin oso zorrotzak izan diren inkestek ere, une hauetan proiektuaren sendotzea erakusten dute. Horrez gain, mapa politikoa kontuan harturik gobernu mota zehazterakoan giltzarri izango garela pentsatu behar da.

■ **Giltzarri izateak esan nahi du gobernu osatzeko orduan nabari egingo dela EAk hobesten duen aukera?**

Jakina baietz. Guk ez dugu edonorekin gobernu osatuko. Ez dugu osatuko elkarrizketaren bidezko bakearen alde apustu egiten ez duen gobernu bat, ez programa erreakzionario eta atzerakoia duen gobernu bat, ezta Euskal Herriaren erreibindikazio nazionalen aldeko arrasto nabarmenik ez duen gobernu bat ere. Zehatzago izanik, ez dugu osatuko gobernu bat, ez badago apusturen bat Euskal Herri osoaren egituratzean aurrera egiteko.


■ **Premisa horiekin zail ikusten da gobernu osatzeko bai PPrekin bai PSOErekin, batez ere azken honek azken aldian hartutako jarrerara ikusita.**

Nahikoa zaila. Egia esan, tormentu bat da posibilitate hori kontuan hartu behar dela pentsatzea. Beraz, zentzuzkoena da behar baino lehen ez atsebeka-tzea eta pentsatzea «mirariren» batek beste konbinazio mota bat ahalbidetuko digula.

■ **Izan ere, PSOEren eta PSE-EE-ren diskurtsoa eta jarrera politikoa aldatu egin dira...**

Batez ere hauteskundeak hurbildu direnean. Baina hauteskundeak pasatu eta gero ezikusiarena egiten ohi du, eta onartu egiten ditu aurretik kritikatzeko dituen gauzak. Baina izan berri duen keinu demagogiko eta elektoralista honek [Jaurilaritzatik ir-tetea] pisu handia izango du hauteskundeen ondoren, gutxienez, EAren esku dagoen neurrian. Euskal egoera politikoa aldateta handia gertatuko da alderdi abertzaleak joko arau komunak eduki ahal izango ditugun egunean. Hori da lehen aipatzen nuen miraria.

■ **'Marey kasuko' epaia kaleratu berri da, eta horri buruz hamaita balorazio egin daitezke, baina agian garrantzitsuena ez al da begi bistakoa, hots, GAL Go-**



Hauteskundeen ondoren EA gobernu osaketei begira giltzarri izango dela uste du Garaikoetxek.

MIKEL SAIZ

GAL

«Garrantzitsua da argi gelditu izana estatu terrorismoa zela, garrantzitsuagoa zigorrak urte batzuk gehiago edo gutxiago izatea baino»

bernuko Barne Ministeriotik antolatu eta finantzatu izana?

Noski. Honi buruz gogoratu nahi dut batzuek errealtate hori seinalatu egiten genuela beste batzuk isilik zeuden bitartean. Niri dagokidanez, aldarrikatu nahi dut 1984. urtearen hasieran, lehendakari izendapenaren hitzaldiaren lehen parrafoan GAL salatu nuela estatu erantzukizun gisa. Nire alderdikide Azkarragak Kongresuan izan zuen borroka bakartia aipatu ahal dut. Hamabost urte behar izan dira errealtate hura azaleratu arte. Garrantzitsua da argi gelditu izana terrorismoa zela, garrantzitsuagoa zigorrak urte batzuk gehiago edo gutxiago izatea baino. Dena dela, bi gauzak kezkatzen naute: bate-tik, talde armatuaren kideztaren delitua ez tipifikatzea, eta, beste-

tik, beti ihes egin izana ardura-dun nagusiak eta behekoek ordaintzea. Bestalde, bada egun hauetan esan dudana zerbait eta komunikabide askok ez dute interesik izan islatzen: kezkarria da behin eta berriro egiaztatzea nola Espainiako goi tribunalek agerian uzten duten beren epaileek bozkatu egiten dutela jatorri politikoaren arabera. Auzitegi Konstituzionalean, Auzitegi Gorenean edo beste maila batean, Botere Judizialaren Kontseilu Nagusian kasualmente eskuinaren konnotazioen bat dutenek era batera bozkatzeko dute, eta PSOEko nolabaiteko jatorria izan dutenek beste era batera. Horrek zalantza jartzen du tribunal horien asepsia. Nola senti gaitzke lasai adibidez euskal nazionalistak tribunal horiek autogobernuarekin lotutako gatazkei buruz erabaki behar dutenean, han denak kolore nazional batekoak baitira. Espainiarrak lasai sentituko ote lirateke Gibraltarren auzia Londreseko Gortean erabaki beharko balu?

■ **Horrek guztiak beharrezkoagoa egiten du estatus aldaketa bat. Joko arauen aldaketa, ez bakarrik bitartekoen ikuspuntutik, baizik eta subirotasunaren inguruan.**

Batzuek argi daukagu. EAren estatutuaren argi adierazten da gure helburua euskal estatu independentea dela, ez daukagu

ESPAINIAKO JUSTIZIA

«Kezkagarria da behin eta berriro egiaztatzea nola Espainiako goi tribunalek agerian uzten duten epaileek jatorri politikoaren arabera bozkatzeko dutela»

dadarik. Arazoa jarraitu beharrek estrategia da. Nondik joaten da eraginkorrago? Zer da premiazkoena eta zer ez? 1979an batzuk pentsatu genuen herriaren eraikina habetu behar zela, aurre-egoeran zegoelako. Espoliazio fiskala izugarria zen, hizkuntza hiltzorian zegoen, eta egoera horretan premiazko botika estatutua izan zen. Gaur egun, tresna horren funtzio historikoa beteta dagoela pentsa daiteke, batez ere bere ahalmenak murriztu zaizkiolako, eta beste esparru batera joan behar dugu. Baina gure herria konbentzitu behar dugu, gure herriaren gehiengoak esan behar du. Gure ustez, hogeitaz hauek katastrofe bat izan zitezkeen tresna hori gabe. Batzuek uste dute estrategia horretan pragmatismo gehiegi egon dela, baina ba-

dakite Iparraldean pragmatikoa izan behar dela eta baita Frantziako eskuinarekin zerrenda bateratuak egitean ere, Miarritzen edo beste leku batzuetan, eta ez dute ulertzen hemen neurri batean pragmatikoak izatea, edo 1979an urrunago joateko ezintasun materiala. Elkar ulertzeko ahalgina beharrezkoa da, dogmatismorik gabe eta jarrera sektariorik gabe. Eta elkar-ulertze horretatik saiatu behar da, arau komun batzuk aurkitu beharra dago euskal nazio sentimendua daukagun guztien artean.

■ **Madrilgo Gobernutik eta Estatu aparatuetatik zer nolako kartak mugitzen ari diren ikusirik, Egin itxi ondoren eraso gehiago iragartzen ari direla oharturik, egoeraren ikuspegia ez al da aldatzen, egoerak ez al du eskatzen ahalagin berezi bat hori guztia geldiarazteko?**

Egin-en gertakaria oso serioa da, baina batzuk ari gara bizitzen adierazpen askatasunaren eta aukera berdintasunaren murrizketa etengabe. Komunikabiderik ez daukagunok askotan isilarazita gaude medio estatalek eta bertako komunikabideek manipulata-tuta. Sistema demokratikoan kontuan hartu beharreko hutsu-neak dira, eta jakin behar da nola aurre egin modu eraginkorrean. Beti izango da eraginkorragoa gehiago argi bat, hautatua, jarrerak baketsu eta tinkoarekin, beharrezkoa bada parlamentu batean itxita, bomba guztiak baino. Batez ere, kanpoko begiraleen aurrean, gaur egun nazio askapen prozesu bat hainbeste baldintzatzen dutenen aurrean.

■ **Duela gutxi EAJk, CiUk eta BNGk Bartzelonako Adierazpena sinatu dute, eta EAri dei egin diote bat egiteko. EAk argi du zer egin?**

Aurreko gaiari buruz gauza bat gehitu nahi dut, EAJ aipatu duzula eta. Ulertezina egiten zaigu Madrilgo Gobernuaren jokabideekin EAJk PP sustengatzen jarraitzea eta bere lankidetzak justifikatzeko. Bartzelonako Adierazpenari dagokionez, berezi behar dira adierazpen erretorikoak benetako politikatik. Bartzelonan, nazioen subirotasunaz, Konstituzioaren aurretiko esku-bideez edo balizko formula konfederalaz hitz egiten den bitartean, printzipio hauekin guztiakin kontraesanean dagoen kolaborazio politika bat egitea PPrekin kezkarria iruditzen zaigu.

Pello Urzelai
IRUÑEA

UDA HONETAN

eska ezazu Egunkaria toki hauetan

NAFARROAKO KANPINAK

- Etxarri
- Cintruénigo
- Garraida
- Orbaitzeta (Irati)
- Aurizberri
- Urbasa
- Lizarra
- Otsagi
- Zaraitzu
- Auritz
- Erratzu (Baztan)

KANTABRIA

- Oriñón
- Laredo
- Noja
- Ajo

BURGOS

- Villasana
- Espinosa
- Villarcayo
- Medina
- Trespaderme
- Quincoces